

WAN KEINA KIR ULANKABA YAWAN PAHPAYARASA: SMATKA KUM TUKTAN SIRPI SKULKA DUKIARA

	CANADA	BOSAWAS (Indian nani sinska laka naniba brih yus munaya skul tuktan nani manka ulanka nani sut wal)
Tuktan kau sirpi nani	Kul watla bara latka naniba pranakira paskaya tem nani sat sat takiba wal: Skul smasmalkra bara skul tuktan naniba pahpaya purara kabia wik bani tangni marikanka nani daukankayasa na lika walpa naniwal, bara dus nawa sirpi nani wal, na marikankana tem mani sat sat takiba lilika daukiba temkara daukankayasa.	¿Skul watlara marikanka naniba tem nani sat sat takiba kumi bani dukiara?
Manka ulanka 1	Tangni mankan pleskaba brih warka daukaya: Skul smasmalkra bara skul tuktan naniba tangni mankan pleskara inma saura pawanba deikan kabia na lika tem kaula pyuara ba ninkara tagni nani dusa raya mankan kabia.	¿Manki saki pleska bara piaya dusa ma nani?
Manka ulanka 2	Skul watla latkara manki saki pleska: Skul smasmalkra bara Skul tuktan nani wal ulanka nani krikri baku paskankabia, tasba ba sin satka walara paskan kabia, dus ma plunra manki piaya dukiaba manki sakankabia, manki sakan lilika deka kum briaya, dusnani bara dus ma nani ridika daukaya, aisi keikanka kum daukaya na lika tangni bara dus ma manki saki pleska paskaya dukiara bara sin wahbi sin sakankayasa upla nani mana apukirani pleskaba klin munikaya dukiara.	¿Inma saika pleska?
Manka ulanka 3	Skul watla latka warka daukanka nani: Skul smasmalkra bara skul tuktan nani aikuki skul watla latka ba klin brikayasa, ulbi sankanka kum paskan kayasa lika maplikira paskanka nani wal na lika keina kahbanka dukiara, bara sin skul watla latkara pulanka natkara smalkanka tara brikayasa, skul watla latkara deiwan pali bara tasba dewra nani watla paskaya baku sin pata watlika pleskara plun bahki yakabi yabaya ulbi sin sakaya deiwan nani an wiba.	¿Taski nani ba wahbi bara beiki sakaya?
Manka ulanka 4	Taski nani ba wahbi beiki saki warkaba brih daukaya: Skul smasmalkra bara skul tuktan nani aikuki ulbi sakanka kum daukaisa ba lika wahtaya saura nani dan yus takrasba dia natkara kli laki yus munayaba dukiara. Witinnaniba wahtaya yus takrasba wahbi saki ples kumra mankaisa ba ninkara skul watla bilara yus munankayasa na brinka tarana lika wahtayaba uba yus munaya apia lukanka wal bara baku sin taski nani satka wala sin wahban kabia ba lika glas nani baku, plastik nani bara sin plastic wina kau karna nani ba sin.	¿Plastik bara plastik talika nani kau karna naniba sin wahbankabia?
Manka ulanka 5	Skul watlara plun nani aisawanba bara pih suin naniba nahki tasbara yus takiba dukiara ulbi sakankaba keina kahbaya: Skul smasmalkra, skul tuktan nani baku sin skul watlara tuktan pata ta briba aikuki bakahnu ulbi sakanka kum ridi daukan kayasa ba lika plun naniba kau piaki piras ninkara bara pih luantem sin laki keikanka kum daukayasa, bara sin skul tuktan naniba tuktan raya nanira lan munankayasa ba lika plun pih luan tem dia takaskiba nahki yus takisa. Dinar pata luantem plun dia tawanba beiki saki warka daukayasa.	¿Plun bara dus ma nani piras lulkiba tasbara kasak peinsa baku sin karnika yabisa?
Manka ulanka 6	Tem nani sat sat takiba keina kahbaika daknika: Skul smasmalkra bara skul tuktan naniba mani ulba pahpayarasa skul watla latkara pasa kia saura, kiasma maplikira naniba daukaya apia. Baku sin leit uba aubi dukia naniba uba yus munaya apia, skul watlara li naniba sin keina kahbaya. Skul tuktan naniba wan wisa yawanba wan daukankaba raya kayasa nahnani trabilka mapara. Baku sin skul watla klin muni saika naniba laki keikaya wan rayakara uba siknis wankras dukia kayasa.	¿Unta takra bara dus nani keina kakahbra daknika?

Na lika David sobel lukankasa, skul tara Antioch, Nueva Inglaterra.